

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

«---» սեպտեմբերի 2015թ.

N-----Ա

ՈՐՈՇՈՒՄ

**ԵՐԵՎԱՆԻ «ՆՈՒԲԱՐԱՇԵՆ ԹԱՂԱՅԻՆ ՀԱՄԱՅՆՔԻ ԵՐԱԺՇՏԱԿԱՆ ԴՊՐՈՑ»
ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ
ԱՆՎԱՆԱԿՈՉԵԼՈՒ ՄԱՍԻՆ**

Հիմք ընդունելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 23-րդ կետը՝

Երևան քաղաքի ավագանին որոշում է.

Երևանի «Նուբարաշեն թաղային համայնքի երաժշտական դպրոց» ՀՈԱԿ-ն
անվանակոչել ՀՀ վաստակավոր արտիստ, պրոֆեսոր Վիլլի Մոկացյանի անվամբ՝ «Վիլլի
Մոկացյանի անվան երաժշտական դպրոց» ՀՈԱԿ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆԻ «ՆՈՒԲԱՐԱՇԵՆ ԹԱՂԱՅԻՆ ՀԱՄԱՅՆՔԻ ԵՐԱԺՇՏԱԿԱՆ ԴՊՐՈՑ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ՎԵՐԱԲԵՐՑԱԼ

Վիլլի Հովհաննեսի Մոկացյանը ծնվել է **1932** թվականին, Երևանում:

Վ. Մոկացյանը ավարտել է Երևանի Չայկովսկու անվան ՄՄԵԴ-ը, Կոմիտասի անվան կոնսերվատորիան և ասպիրանտուրան՝ ՀՀ արվեստի վաստակավոր գործիչ, պրոֆեսոր Հրաչյա Բոգդանյանի ղեկավարությամբ:

Վիլլի Մոկացյանը մասնակցել է մի շարք մրցույթների, մասնավորապես՝ երաժիշտ-կատարողների Անդրկովկասյան I մրցույթ (**1960**թ. 2-րդ մրցանակ), Ջութակահարների համամիութենական մրցույթ (**1961**թ. խրախուսական մրցանակ):

Պրոֆեսոր Վ.Մոկացյանը մի շարք մենահամարգներ և ելույթներ է ունեցել տարբեր համույթների կազմում և նվագախմբերի հետ, ինչպես նաև հյուրախաղերով հանդես է եկել Ուկրաինայում, Վրաստանում, Կուբայում, ԱՄՆ-ում:

1961-1970թթ. հանդիսացել է Երևանի կոնսերվատորիայի դաշնամուրային տրիոյի արտիստ և թողարկել է ձայնասկավառակ:

1971-1980թթ. հանդիսացել է Երևանի կոնսերվատորիայի լարային կվարտետի արտիստ, **1972-1974** թթ.՝ հեռուստառադիոյի սիմֆոնիկ նվագախմբի կոնցերտմայստեր:

Իր հռչակավոր ջութակի կոնցերտը Առնո Բաբաջանյանը նվիրել է Վիլլի Մոկացյանին, ով Բաբաջանյանի՝ ջութակի մասնակցությամբ բոլոր գործերի միակ կատարողն էր Հայաստանում (Ջութակի և դաշնամուրի սոնատ, Դաշնամուրային տրիո, թիվ **3** լարային կվարտետ, Ջութակի կոնցերտ):

Վիլլի Մոկացյանը ծավալել է մանկավարժական գործունեություն, մասնավորապես՝ **1978-1994**թթ. հանդիսացել է Երևանի կոնսերվատորիայի լարային նվագարանների ամբիոնի վարիչ, նույն ամբիոնի ջութակի դասարանի պրոֆեսոր, Չայկովսկու անվան ՄՄԵԴ-ի ջութակի դասատու:

1974-1976 թթ. Վ. Մոկացյանը գործուղվել է Կուբա, որտեղ դասավանդել է Հավանայի Արվեստի ազգային դպրոցում: Նա դաստիարակել է հայ ջութակահարների փայլուն սերունդ, և նրա սաները միջազգային, համամիութենական, Անդրկովկասյան և հանրապետական **33** մրցույթի դափնեկիրներ են:

Վ. Մոկացյանը մասնակցել է Լորիս Ճգնավորյանի ղեկավարած՝ ՀՊՖՆ-ի Ավստրիայի հայտնի հյուրախաղերին:

Երևանի «Նուբարաշեն թաղային համայնքի երաժշտական դպրոց» ՀՈԱԿ-ը ՀՀ վաստակավոր արտիստ, պրոֆեսոր Վիլլի Մոկացյանի անվամբ անվանակոչելու վերաբերյալ միջնորդություն է ներկայացվել Երևան քաղաքի Նուբարաշեն վարչական շրջանի ղեկավար Ա. Կիրակոսյանի կողմից:

Հաշվի առնելով Վիլլի Մոկացյանը մեծ ավանդն ու գործունեությունը հայկական երաժշտության բնագավառում և ղեկավարվելով «Երևան քաղաքում տեղական ինքնակառավարման մասին» ՀՀ օրենքի **12**-րդ հոդվածի **1**-ին մասի **23**-րդ կետի դրույթներով, Երևան քաղաքի ավագանու քննարկմանն է ներկայացվում սույն առաջարկությունը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆԻ «ՆՈՒՔԱՐԱՇԵՆ ԹԱՂԱՅԻՆ ՀԱՄԱՅՆՔԻ ԵՐԱԺՇՏԱԿԱՆ ԴՊՐՈՑ»
ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ»»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ
ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Երևան քաղաքի ավագանու «Երևանի «Նուբարաշեն թաղային համայնքի երաժշտական դպրոց» համայնքային ոչ առևտրային կազմակերպությունն անվանակոչելու մասին» Երևանի ավագանու որոշման նախագծի ընդունման կապակցությամբ այլ իրավական ակտերում լրացումներ և/կամ/ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ԵՐԵՎԱՆԻ «ՆՈՒՔԱՐԱՇԵՆ ԹԱՂԱՅԻՆ ՀԱՄԱՅՆՔԻ ԵՐԱԺՇՏԱԿԱՆ ԴՊՐՈՑ»
ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ»»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ
ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՄԱՍԻՆ**

Երևան քաղաքի ավագանու «Երևանի «Նուբարաշեն թաղային համայնքի երաժշտական դպրոց» համայնքային ոչ առևտրային կազմակերպությունն անվանակոչելու մասին» Երևանի ավագանու որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ